

摘藻堂四庫全書薈要

集部

欽定四庫全書薈要卷一萬四千一百七十九

集部

安陽集卷四

宋 韓琦 撰

律詩五十四首

龍

育德知何宅逢辰或見靈配乾雖有象作解本無形  
泱物周寰宇遺功在杳冥丹青如可狀試下葉公庭

鳳

破卵應難至聞韶定有儀去同君子道來協聖人期苑  
竹多成實宮梧幾換枝何時天閣上巢可俯而窺

次韻和春卿學士早春

雪霽春來極目心遠眉新黛破遙岑風傳花信值寒晚  
煙染柳姿隨日春酒美好陪遊騎鬪桃香誰待此門尋  
歡期未集芳辰在客對慵繙簡字金

明鎬學士領漕益州

忠臣重此過邛邲經計才優帝命諧縣弩清塵資遠撫

史彤修職峻榮階蜀天星入人先候劍路銘昏蘚半埋  
錦里萬家迎使旆壺漿應釋去思懷

次韻和子淵學士春雨

天幕沈沈淑氣溫雨絲輕軟墜雲根洗開春色無多潤  
染盡花光不見痕寂寞畫樓和夢鎖依微芳樹過人昏  
堂虛坐密珠簾下試問淳于醉幾樽

周沆著作宰秀州嘉禾

庇身名邑得嘉禾銅墨猶嗟滯俊科前席未期宣室召

聞絃還繼武城歌酒旗穿柳春堤迴魚艇藏花夕唱和  
對此不勞披縣譜且求新句解詩魔

叔平學士知青州

厭直圖書府思為海岱州郡符分竹使親膳潔蘭羞文  
石輸忠密仙山進職優過家門納駟卜地隴眠牛暮霞  
凌羈玉朝暎艷戟油恩寬敷漢扎政善洽齊謳水際春  
芳盛尊中客醞浮物饒三服麗居樂五民游松鬣低容  
宴峯螺翠入樓行聞西掖召真賞莫淹留

館直二閣

玉山岑寂雪花乾  
仙掌風高露未溥  
自笑曼都凡格在  
一宵無奈月邊寒

章溝傳漏過三更  
霜壓寒威特地生  
苦恨回環牕外鐸  
幾番幽夢不教成

張唐卿狀元通判陝府

發策無雙動紫宸  
班條新貳兩朱輪  
官窰仙桂天香重  
蔽芾甘棠俗化醇  
駟馬同榮歸蜀道  
二龍齊躍出雲津

前期丹禁徊翔地風泊波平藥樹春

和春卿學士柳枝詞五闋

樓前輕雪未全銷偷得春光入嫩條似向東風猶綽約  
可能渾忘舞時腰

陌閑宮古綠煙迷惹盡春愁困拂堤却為多情足離恨  
故教溝水亦東西

章街風曉起新眠寒食輕陰未雨天無限青絲拂遊騎  
一生芳意負金鞭

淡烟輕日簇誰家微出青旗一帶斜對景似嫌春意老  
更搖踈影掃殘花

畫橋南北水連天纔聽鶯聲又晚蟬長使離魂容易斷  
春風秋月自依然

和春卿學士上元罷燈

絲竹沈聲月泛波警宵方喜罷誰何樓深酒密客留易  
路遠香殘人去多寒燭倚蓮猶結淚澹雲歸隴不停歌

那知夢穩瀛洲上正是鈞天九奏和

是夕館宿聞  
宮中奏樂



次韻酬子淵學士燈夕不出聞諸公繼有遊賞  
繁聲沈夕籟香燭競春葩玉射樓前雪雷驚陌上車月  
閑花院掩風軟酒帘斜莫駐城南騎遊人自有家

和邃卿學士雪霽登祕閣

曉來延閣步層梯春色周圍一望低殘雪半留珠殿北  
非煙長護綺牕西

西即  
路寢

幽情自逐歸鴻斷芳意還因遠

樹迷金匱有書猶未見祕封香篆鎖芝泥

上巳前與同舍出郊過金明池

天波新綠染成春，波面輕風起細鱗。  
隔岸鳥聲低弄曲，出牆花艷遠含顰。  
柳經傷別還多緒，鷗為忘機不避人。  
三月偷遊仙署友，肯思迢遞走征輪。

時差接  
伴虜使

和春卿學士登廣文閣觀京闕之盛

層閣鬱嵯峨，登臨逸意和。  
雨餘春物動，天闊夕陽多。  
棊布金杯第，環通璧沼波。  
泥中足車騎，應笑翟公羅。

和曼卿學士明河

太極䟽靈派，長河注遠津。  
波明動星斗，氣直貫秋旻。  
月

滿還知晦雲收不亂真何妨借餘潤膏雨及生民

葉參兵部知湖州

鄉郡分符兔刻銀影纓清曉別楓宸駟車歸邸夸新綬  
鶴表還家謝故人度日客樽盈若酒經春詩筆賦汀蘋  
編民應久歌來暮棠樹成陰即舊隣

邵亢茂材南歸

褐衣親策對中宸三道精求素業陳履跡見穿期仕漢  
璧瑕因指不留秦雲迷江樹歸艍促翼退天閣客夢新

好俟鄉人再推上決科優等繼平津

陳洎太博知虢州

官綬飛花使轂丹臘天行色犯輕寒持平久奉虞刑恤  
宣澤新承漢詔寬擁傳想逢關吏歎愛棠還接陝民歡  
三堂風物應如舊公退先尋記字看

王礪寺丞河南知錄

西都為掾促征輪南浦分攜碧草春卿寺試才方命秩  
天衢飛步已逢辰洛濱修禊浮觴散水際看花第品新

櫻酪有期誰共薦曲江應記並遊人

次韻和方謹言郎中再觀省中手植竹

翠影參差漸拂堦清郎曾此占奇哉辭君昔為萼羹去  
戀爾今同菊徑來玉聳勁枝欺暮雪繡殘文籜委寒苔  
虛心高節依然在幾見繁英落又開

寄葉參兵部

向宦心難止遺榮世所稀誰知懷綬去便作掛冠歸行  
錦方為寵裝金已盡揮官閑同吏隱身逸晦塵幾山鶴

來無怨江鷗淨不飛雨晴峯障濶秋老鱸絲肥庭玉名  
方遠陔蘭志暫違倚門休結戀史筆借光輝

子清臣  
時修注

馬尋比部兩浙提點刑獄

東南詳讞得材臣親對天墀奉至仁舜服暫平惟恤典  
漢廷曾譽不寬民圓扉鞠草提封靜高蓋容門令德新  
最好齋航初按部柳汀花瀨正逢春

陳商學士知常州

疊鼓聲喧下鷁舟書山蕭索別英游青藜照字觀奇廢

朱雀分符錫命優霞夾烏檣晴旆卷星搖漁浦夜燈幽  
萼風正熟帆無恙一色江天望處秋

得太清小檜植館中

仙檜移來近紫壇亭亭將見起毫端纖枝未覺來風韻  
勁節先知度歲寒得地最宜儒館種結根須作棟材看  
願將軒竹陪蒼翠帶雪開樽助雅歡

宋任著作宰江寧溧水

訊察無冤善最聞剋繁南邑遇盤根還將決獄平反意

去作臨民撫字思淮上月高生麗思浦前春老醉離魂  
知君陰德終陽報容駟何妨大里門

道鄉學士領二浙漕賦得酒

傾釀留佳客秋亭弭使旄奉觴歸養切行筭別魂勞上  
若名鄉近長安美價高  
清懷思酌水惠政憶投醪  
論德堪成頌評詩更助豪  
行聞趨節覲同我怨持螯

琦往年不遂龍

舒之行道卿以不  
嘗蟹形於嘲戲

再賦柳枝詞二闋



曲江風暖曉陰斜，翠色相宜拂鈿車。  
自是春眠慵未起，日高人困又飛花。

葉葉新長約黛蛾，絲絲輕軟任風梭。  
啼鶯便學歌喉轉，知是春來舞意多。

離都

已下八首接  
伴塗中作

握節背都門，春天景半溫。  
柔鞭難駐馬，芳草易銷魂。  
遠目和煙重，離懷助酒昏。  
好花無奈野，時復映遙村。

上巳

遠道今逢被袂辰  
雨餘風物一番新  
等閑臨水還思舊  
取次看花便當春  
絮雪暖迷西苑路  
車雷晴起曲江塵  
臺英正約尋芳會  
誰是山陰作序人

寓目

擁傳修途倦逢春  
旅思長遠煙含樹  
色細雨起塵香隴  
麥成行綠林鶯並  
對黃揚鞭聊自慰  
舉目見韶光

行早

脂轄行傷早揚旌  
興莫窮水遙天色  
共雲細月波通巧

舌爭啼曉香牙盡入風縱吟殊未已初旭放晴紅

寒食

漢宮新蠟未開煙寒食東郊躍駿天人面映花誰感事  
客心燃火獨成篇塞鴻歸渚遙書字營柳因風強破眠  
賴有目前隨分景數村和樹起鞦韆

登永濟驛樓

遠煙芳草媚斜陽蕭索郵亭一望長盡日倚欄還獨下  
綠楊風軟杏花香

塗中暑熱憶諸同舍

振野驚風拂面塵赫曦流爍犯征輪酒非逃暑虛成會  
花未忘憂謾映人綠水已傷春別舊碧雲長起暮愁新  
朝來記得瀛州夢目斷英游極愴神

聞角

古堞連雲暝靄收嗚嗚清調起邊樓雍琴垂淚虛情恨  
羌笛殘梅未勝愁數曲伴風吹戍壘幾番侵夢入賓郵  
聽來便覺春心破素髮生多不待秋

雄州遇雪

已下四首  
北使日作

雲壓孤城勢漸低，昏昏臺榭雪霏霏。  
人遊兔苑何妨醉，使適龍沙未得歸。  
夜館月明交素影，曉塗霜重借嚴威。  
風前似慰征軺意，先學楊花二月飛。

紫濛遇風

草白崗長暮驛賒，朔風終日起平沙。  
寒鞭易促鄣泥躍，冷袖難勝便面遮。  
迴嶺卷回雲族破，遠天吹入雁行斜。  
土囊微乞緘餘怒，留送歸程任擺花。

使回戲成

專對慙非出使才，拭圭申好歛旌回。  
禮煩偏苦元正拜，

北廷元日  
拜禮最煩

戶大猶輕永壽杯。

永壽遼主生辰節名  
其日以大白酌南使

款枕

頓無歸夢擾，據鞍潛覺旅懷開。  
明朝便是侵星去，不怕

東風拂面來。

過虎北口

東西層巘鬱嵯峨，  
關口纔容數騎過。  
天意本將南北限，  
即今天意又如何？

戲題仙掌

三峯晴曉碧相挨  
仙掌分明出霧開  
莫向巍峩銜高手  
也曾先得桂枝來

題利州昭化驛

嘉陵源出本朝宗  
地險無因直赴東  
從此逆流歸順去  
恬波遙與峽江通

過三泉龍門二閤

洞戶呀然透碧溪  
竹軒茅榭映高低  
行人不待桃花發

一到仙局已自迷

時知縣錢丞增葺亭  
榭間植夭桃故云

欣過龍門柅使車頓驚凡目識仙都海中知有三山在  
未信能加此景無

### 漫天嶺

欲使行人直過難倚江凌漢任盤盤紆回到頂終須下  
如此天高甚處漫

### 題嘉州嘉望亭

欲知藩境得嘉名試策筇枝上此亭江色照城平似練



嵐光堆檻淨如屏好邀民阜充衢樂出品花奇襲坐馨  
使驛暫來閑寓目幾多高意在鴻冥

再賦一闋

檻外風光觸處奇嶺頭金像對巍巍主人偏戀南牋樂  
只恐瓜時未肯歸

韓瀆學士領益漕

去年巴蜀失秋成西顧飢流惻睿情嘗忝乘輶宣渥命  
更煩持節拯遐氓夜亭微雨多侵夢春峽繁花少記名


到日莫辭行部數屬城凋瘵望君生

安陽集卷四

謹案卷二第四頁後三行萬寓澄然同一色刊本  
寓訛寓今改

第十頁後一行戴叟重生須死伏刊本戴訛載今  
改





總校官庶吉士臣侍朝

校對官檢討臣龔大萬

膳錄監生臣張元輯

膳錄監生臣南光普

欽定四庫全書薈要

集部

安陽集卷五

七

詳校官助教臣常循



欽定四庫全書薈要卷一萬四千一百八十

集部

安陽集卷五

宋 韓琦 撰

律詩四十二首

皇子誕慶五言十二韻

聖統垂千祀天仁覆萬方  
思賢詠場藿興儉緝帷囊寬  
法均䟽網憂民甚納隍晝衣期不犯行葦見無傷  
列廟靈潛佑高穹意默彰  
故教生嗣晚欲示卜年長  
帝夢前



推吉郊禠此報祥協辰初告望紀節正迎商和氣隨銅  
律休符集畫堂清飈來美應瑞旭薦榮光九縣歡聲沸  
三都惠澤滂非才塵近掖援筆頌無疆

慶厯甲申郊禮告成五言十韻

上御路寢致齋  
雪作行禮日景

色澄

霽

聖饗申精意靈心察至虔因知齋次雪為顯祭時天清  
廟陳豐潔中壇致吉蠲樂和來瑞物景霽見非煙卜日  
灰飛管通祠火舉權知茵新禮重虛幄睟容專盛美推

穹昊釐祥被幅員慶成朝萬玉霈澤謹三錢有幸瞻熙  
事無才列奏篇為民祈福應親記德音宣

上太廟宿齋  
雪霽二府稱

慶上曰此為民  
祈福之應也

### 雲

郁郁疑非霧融融散薄陰油然天下澤淡若嶺頭心適  
意自舒卷有容誰淺深朝來殊未起幽谷閤龍吟

### 霜

霜威昨夜肅天區平曉蒿蘭一槩枯不寤春仁入根本

只憑秋慘及皮膚寒鋒刺甲過矛戟皓色禁人着鬢鬚  
料得西風如未緊且來枝上作明珠

初雨

乍覺塵香動風前細若縑無聲猶似雪得潤已如膏美  
利存南畝餘滋付小桃誰知青皞德意不為嬉遨

新柳二闋

弄黃含綠葉開眉最有春來次第知生計任隨裁者意  
却嗤松栢不禁移

驛路行人東復西等閑攀折損芳枝有生自是無根物  
忍向東風贈別離

惜花

看花闌有分分薄亦蹉跎蜂蝶爭無限笙歌得幾何利  
名長自役風雨不須多趁取紅香在高吟卷醉螺

柳絮二闋

慣惱東風不定家高樓長陌奈無涯一春情緒空撩亂  
不是天生穩重花

絮雪紛紛不自持  
亂愁縈困滿春暉  
有時穿入花枝過  
無限蜂兒作隊飛

錦被堆二闋

碎剪紅綃間綠叢  
風流疑在列仙宮  
朝真更欲薰香去  
爭擲霓衣上寶籠

不管鶯聲向曉催  
錦衾春晚尚成堆  
香紅若解知人意  
睡取東君不放回

牡丹初牙為鵲啄之感而成詠

牡丹經雨發香芽滿地新紅困餓鷄利觜可能傷國艷  
只教春色入凡花

遊蜂

遊蜂紛撲競花繁未到香鬚只自喧盡日却輸蝴蝶計  
鬧紅心裏默無言

新燕

出入高堂性似馴泥巢深穩足容身彫梁並宿嫌頻看  
巧語多應是罵人

過隋城

信馬隋城下行春訪舊傳樓臺在何處瓦礫半耕田遠  
籟悲笳咽餘花墜靨圓只留荒侈迹千古監青編

苦雨方霽蛙聲不已

暑雨朝來已厭多蛙鳴猶更幸滂沱雖然快爾狂跳志  
爭奈良田有害何

題翠鐘亭

鐘峯隱隱隔江湍翠色偏宜雨後看大抵興王須恃德

饒君終古作龍盤

蜀葵

炎天花盡歇錦繡獨成林不入當時眼其如向日心  
寶釵知自棄幽蝶或來尋誰許清風下芳醪對一斟

中秋月二首

自古中秋月風騷得意難幾人停醉筆終夕凭危欄  
海際掀鯨目雲端擢露盤一年相別恨併與此時看

月滿中秋夜人人惜最明悲歡徒自感圓缺本無情天



外有相憶世間多不平  
嫦娥難借問寂寞赴西傾

張逸人歸杭

不因閑適出中林  
塵外高蹤豈易尋  
鴻在碧霄誰可慕  
雲歸蒼島本無心  
堤奩一鑑平湖滿  
寺枕千屏疊嶂深  
知己重留多下榻  
故栖猿鶴莫驚吟

谷丹陽李公素學士

與君為郡不相遙  
只隔瓜洲一信潮  
誨字屢傳來客素  
治聲常逐過江橈  
詞垣暫爾淹鴻筆  
宴席何妨引巨蕉

詩句滿筒煩借譽爰居空自愧虞韶

謝丹陽李公素學士惠鶴

高籠攜得意何勤玉樹慙無可待君只愛羽毛欺白雪  
不知魂夢託青雲孤標直好和松畫清唳偏宜帶月聞  
自有三山歸去路莫辭時暫處鷄羣

和潤倅王太博林畔松

鬱鬱山頭翠色攢就中高格出林端霜凌勁節難摧抑  
石纏危根任屈盤古鬣自隨仙日老孤風不入俗人看

時來匠者須回顧且稟幽姿待歲寒

菊

萬卉超枯死香含鬪晚葩甘名應得露野色豈如家俗  
態惜遲暮芳情誰怨嗟重陽樽酒伴不見牡丹花

重九會光化二閨

寺枕隋家廢苑前登高還此會僚賢凭軒莫賦悲秋事  
剩撚黃花送酒船

誰言秋色不如春及到重陽景自新隨分笙歌行樂處

菊花莫子更宜人

黃通尉鄖鄉

古邑萬山裏區區一尉行  
高堂方待養寸祿豈宜輕  
身屈何傷道才多少晦  
名贈言如可取榮路坦然平

答胡恢推官

當年都寺接賢初屈指  
光陰一紀餘自說三茅深處穩  
不逢雙鯉寄來書隔江聞授諸生業  
命駕因煩長者車  
得見新詩與高論積年勞吝已全祛

春晴

霽色破春昏  
高樓日未曛  
林梢零舊雨  
山頂入殘雲  
醉粉勻花頰  
風羅皺水紋  
踏青人誤約  
芳思幾紛紛

春霖

咫尺東郊路  
春霖絕未通  
銷閑生弈思  
醒睡費茶功  
樓迴昏昏霧  
牕寒霎霎風  
待晴桑陌上  
五馬恣琤瓏

馬上成春雪二閣

二月風光盡  
屬春六霏何  
苦妬芳辰  
東君等是回生意

須與鶯花作主人

曉來飛雪抑香牙料峭輕寒特地加  
青帝似矜春意早  
更粧新萼與梅花

過梁山泊

巨澤渺無際齋船度日撐漁人駭  
鐃吹水鳥背旗旌蒲  
密遮如港山遙勢似彭不知蓮芰裏  
白晝苦蚊蟲

移帥真定次韻荅致政杜公

常山畫野直天街寄重如何付不才  
躍馬敢辭奔命去

扞羌曾是奮身來軍中紀律勞人葺林下  
鑄壘得意開引領恩軒無路到幾臨風月  
獨徘徊

常山出郊馬上口占

旌旗乘曉出郊原五馬臨風一慨然  
山勢似屏西限晉地形如掌北擒燕  
麥含豐澤催齊秀蠶飽柔桑起大眠  
守帥勉希廉與藺九重高枕不憂邊

登西大悲閣

藹藹西藍閣煩襟一望開  
山川歸盛德姦傑委沉埃  
城

迴雲連堞烽閑草蔽臺誰知太守意不為納涼來

別潭

一潭嘉景四時新不得經年作主人蓮芰風前忘九夏  
綺羅香裏醉三春勤勞疆場誠無避粧點蓬瀛惜未真  
多少勝遊休結戀報君須自立涓塵

新館

宴宇新成若未嘉忽膺朝委易軍牙張侯暫喜留歡客  
開檻憑誰種好花北沼不難平釣岸釣岸未成西峯猶欠入



牕紗

城樓未立

後賢政敏多餘暇高會何妨月影斜

次韻和兗州王待制過汶上見寄

淺局雖難繼大才谿堂佳致亦添來奇花並蒂宜新種

琦自廣陵取芍藥數種植于

谿堂之南皆冠髻雙頭之品

芳樹連柯得舊栽

琦移連理廳于

谿堂之南偶得連理

良執假途形詠歎隣封為治惜淹

林檎樹之新廳之前

徊想君醉問歌人處不向風前酌一杯

中秋不見月

中秋宜月不教晴人倚危欄意未平任是他時圓更好

爭如今夜略分明

安陽集卷五

欽定四庫全書薈要卷一萬四千一百八十一

集部

安陽集卷六

宋 韓琦 撰

律詩八十三首

北嶽

四海尊方嶽常推朔鎮雄陽為中夏勝陰與北胡窮孕  
秀賢豪出宣靈造化通斗乘天位正乾發帝基隆盛畜  
嚴凝氣橫障廣莫風舉頭瞻峻極危坐壓崆峒殖物資

坤德栖真固坎宮星纏函畢昴祀典軼王公俗仰良材  
當年隨喜澤豐左肱揮渤澥右股跨獫狁地險祠庭革  
時平戍壘空嵐光朝撲黛寶色夜舒虹有藥皆奇種無  
花不異叢層巔健雕鶚怪穴老羆熊肆覲儀雖闕斯民  
望未充何時清大漠封牒紀宸功

喜雪

朔雪飛殘臘融和變凜嚴徐來花出六驂急霰聲兼數  
住天應惜爭繁酒易添積深涵久潤濟大略微嫌雅意

明書幌多情入宴簾舞腰難學轉峯頂尚饒尖露藥仙  
盤挹風毛鬣圓燭宮牆胡粉畫梅梗蜀酥黏影淡三春  
絮光寒八月蟾垣塗誰復辨巨壑有何厭狂助詩毫逸  
清驅厲氣潛歡謠騰紫塞喜色上彤幃凝雷收冰乳堆  
庭鏤虎鹽吾民無足慮豐歲可前占

上元罷燈

燈夕何蕭索朝家恤殣災民心無奈鬱春意有誰開明  
月舒雲懶遊人怯漏回堪嗤愚太守獨欲上熙臺

郡西齋有夜合萱草對開因成二闋

合歡香影拂西齋萱草前臨小檻開待爾忘憂與蠲忿  
爭如無事起靈臺

合歡萱草兩含芳一見令人樂興長唯是憂邊與憂國  
對花終日不能忘

謝真定李密學惠牡丹

窮邊無處覩春榮咫尺常山似洛城會得主人將雅意  
欲教隣境伏香名全開正弄朝霞色半謝猶含暮雨情

只上賓筵共一醉也勝渾不見芳英

答陝府春卿資政

蓬山曾許挹浮丘踰紀光陰一瞬休朔塞風霜人易老

申湖歌舞景長留我臨賓席頻先醉

近年酒量頻衰往日

君對仙

棊幾自謳

公好臨棊而歌其韻尤清

千里詩來還感舊不堪斜日凭

邊樓

再答

一從西北困邊塵瀛館仙游更莫親只慣彎弧揮太白



公前書曾以彎  
弧太白為詭

幾曾橫梁賦青春晴郊按獵長侵暮夜

索飛郵不待晨多羨甘棠闕無訟時將佳句惱麤人

題覽勝亭

在北城上

極目知何勝東西矗萬岑天雖限夷夏人自失喉襟遠  
木已秋色亂雲猶夕陰清風誰會我太息撫霜鐔

題養真亭

新葺公居北虛亭號養真所期清俗慮不是愛精神滿  
目林壑趣一心忠義身吏民還解否吾豈苟安人

北塘避暑

盡室林塘滌暑煩  
曠然如不在塵寰  
誰人敢議清風價  
無樂能過白日閑  
水鳥得魚長自足  
嶺雲含雨只空還  
酒闌何物醒魂夢  
萬柄蓮香一枕山

次韻和致政王子融侍郎歸休述懷二首

周旋通顯竭忠勤  
勇退翩然得謝身  
鳴玉乍辭天上貴  
揮金長示里中仁  
滿牀黃卷閑為伴  
一枕清眠任過晨  
六十九歸今昔少  
萬年青史紀高人

禮稱七十還君事豈必如期許退身臣子引年雖審分  
朝廷圖舊合推仁曉登文石方延刻暮掛危冠不待晨  
竊惜聖神求治意未宜輕去老成人

次韻和真定李侍郎新荆流杯亭

不有浮觴樂誰知愛客深投醪當席意修禊昔賢心自  
至疑仙術虛來協道襟去留雖任物斟酌孰窺陰阻挹  
齋中酒空勞塞上吟清潭時一望搔首莫能簪

依韻和機宜陳薦請游城北池館二首

只恨無才濟阻飢北塘因爾失春期民心方喜稻禾熟  
秋色不關臺榭墮一派芰蓮輸水鳥幾船烟雨卧風旗  
佳辰賴有詩人覺較得紅芳又變衰

去歲飢流待撫循日憂疲瘵苦傷神細民溝壑方援手  
別館鶯花任送春舉目山河生壯氣經時臺榭極芳塵  
秋來幸有豐年兆還作偷安樂事人

秋夕二首

大暑喪餘酷涼秋祛衆瘴歔氛隨雨斷素景入宵多雁

影穿池月蛩聲出砌莎披襟予自快楚澤任悲歌  
此夕何清曠新秋乍奪炎涼飈來似舊熏暑逝如潛露  
重翻香芰雲疎點素蟾放懷殊不寤箕斗轉前簷

秋日出郊

疆野壓雄邊乘秋行此田萬峯朝巨嶽多稼入平天農  
飽忘飢後童嬉逼社前僚賢須共樂舉白盡歌筵

中秋月

清商繞過半皓魄最宜圓自是秋光好非緣人意偏一

宵歌吹地萬里雪霜天忍見西樓下嘉期又隔年

蒙恩加職寄餘杭希文資政

燕石寧參楚璧珍六膺君獎共言綸

陝西經略副使環慶秦鳳帥復官廉

察樞密直學士今命

老聃道大誰同傳千古韓非是罪人

重九次韻答真定李密學

琴瑟煩更化椒蘭喜望隣致儀慙蟻酎申好忝萼親惜  
此登高節難偕逐勝賓遙知潭上酌多少插花人

次韻答致政宮保杜公

無勞遷職此何名只有慙羞敢自榮撫俗未能宣上意  
治邊徒欲振天聲丘山莫副推恩重銖兩唯憂效死輕  
高句不須期任舊已求三載奏官成

近已上奏  
乞終三年

依前韻再答

不與皇家致太平康寧時節便遺榮  
寰中自樂喬彭壽海內空流邴魏聲  
一品坐來恩固重萬鍾拋去祿何輕  
朝廷欲繼姬周盛會向磻谿問老成

送省副崔刑部

此去參邦計時才固異倫富民知有道言利不違仁餘  
帳含情日歸途適意春前期對清問犧閣近槐宸

雪

六花來應臘望歲一開顏歌舞喧侯第風沙雜戍闌餘  
芳留草樹清興入江山後夜高樓月蕭然崑閬間

髮白有感

區區邊朔有何成三失流年只自驚無一事來頭尚白  
白人頭處豈堪行



晚步後園覺有春色

桃李知春意陽和到嫩萌風霜誰自困鶯蝶始多情終  
入芳菲賞休論早晚榮窮邊何所負轟鼓醉金觥

北樓望春

良疇芳圃汨飛埃生意顚顚望震雷北嶺有雲空自繞  
幾時為雨出山來

寒食

塞上逢寒食郊園此重臨一時行樂意萬室欲春心節

物隨人好風光得處深只思民盡適守鬢忘霜侵

感事

一來邊障地走馬過三秋萬緒事常擾九分春又休  
鶯花誰在目霜雪只侵頭縱得風光住風光可奈憂

上巳北塘席上

修禊春塘上誰知物趣深萬花開喜色衆樂出和心  
雨意隨人住杯情逐勝斟從茲窮塞地佳節似山陰

喜雨

晚雷驅雨協春雩誰識天工用意殊不許繁花私潤澤  
獨教嘉穀足膏腴羣心有荅方思報寸草無求亦自蘇  
始信雲龍施美利豈勞功力費毫銖

北塘春雨

葉葉輕雲帳薄羅坐看膏澤灑庭柯風前芳杏紅香減  
煙外垂楊綠意多聲落簷牙飛短瀑點勻池面起圓波  
晴來西北凭欄望拂黛遙峯濯萬螺

再謝真定李密學惠牡丹

牡丹京洛艷惠我見新鄰一與樽前賞重生塞上春衰  
榮存主意深淺盡天真却似登蘭室清香暗襲人

新植花開

去歲栽花遍小欄只憂芳艷不禁寒年來醉賞春風裏  
無限邊人見牡丹

牡丹二首

真是羣芳主羣芳更孰過艷新知品少開晚得春多幾  
日瑤姬夢平生金縷歌寒邊今幸活風雨莫相魔

青帝恩偏壓衆芳獨將奇色寵花王已推天下無雙艷  
更占人間第一香欲比世終難類取待開心始覺春長  
不教四季呈妖麗造化如何是主張

落花二首

妖艷憑誰主春光去不停離魂亂飛絮生意逐浮萍錢  
英偷餘態茵蕪蘂舊馨年年芳信在慎勿歎飄零  
一夜殘芳泣露痕曉來紅雨點蘭蓀對人終有風流在  
幾片斜飛在酒樽

郡圃初夏

池館何無賴，青春幾日回。  
酒隨花謝減，心為水涼開。  
幽鳥閑鳴和清風，自往來。  
峯巒新在目，天與白雲裁。

夏暑北塘

一夕輕雲卷，怒雷回塘輕。  
雨絕纖埃，蓮房倒蓋，揮人飲。  
柳幄牽絲，待席開未必，鷗飛知客意。  
莫嫌蟬噪是風來，歎煩盡滌，宜無累。  
奈有詩情，費剪裁。

覽劉易詩集感其遊賞江山放懷自適

區區西北十經春，強力今為老病身。  
白髮丹心論底事，清風明月屬閑人。  
千鈞未免嗤鼯鼠，一簣猶思抑孟津。  
早晚粗酬忠國志，五湖煙水樂吾貞。

席上聞蟬

柳際一蟬鳴，停樽忽自驚。  
所傷非節物，未立是功名。  
默然悲時事，區區徇世情。  
不須爭噪急，衰鬢舊霜莖。

次韻和國信趙內翰北口見寄

時得不可失，時乎況得天。  
蔓圖非易力，鳩毒是安眠。  
廟

勝兩楹決壺漿一檄傳臨關休發詠歸議主當然

寄題廣信軍四望亭

西北雲高拂女牆危亭虛豁望中長  
田間堤陌成新險天外江川是舊疆  
古道入秋漫黍稷遠坡乘晚下牛羊  
凭欄多少無言恨不在歸鴻送夕陽

與餘杭希文資政經時兩絕音問忽得訊正與  
近致書同日因以詩寄

聞首郵音得到無使來還喜發雙魚  
却思塞上經時問



恰是吳中當日書人邈江山神自照道存忠義信從踈  
昔年元白慈恩事詩意雖同志未如

一志

一志事邊徼難甘景物催流年花易落久戍雁頻回細  
葉未成幄飛蚊還聚雷顛毛從自變肯使壯心摧

閱古堂八詠

牡丹

極塞將何奉燕娛牡丹池館一株無誰人會我栽培意

欲見吳宮小陣圖

芍藥

從來良守重農桑何事栽花玷此堂已愛昔賢形藻繪  
更移嘉卉伴馨香

垂柳

東君於此最多情先與黃金撚畫成何似亞夫堅壁地  
因人千古得嘉名

疊石

疊疊雲根漬古苔煙巒隨指在庭堦主人未有銘功處  
日視崔嵬激壯懷

藥圃

堂下開畦植藥苗更將靈種悉名標吾心盡欲醫民病  
長得憂民病不銷

溝泉

遙派分流過近堦潺潺終日瀉瓊瑰誰知到此幽閑地  
多少餘波潤物來

小檜

小檜新移近曲欄養成隆棟亦非難當軒不是憐蒼翠  
只要人知耐歲寒

芭蕉

邊俗稀曾識此科南方地暖北寒多孤芳莫念違天性  
無奈深恩愛育何

次韻荅承旨王端明

禁局清切擬仙都多病年年絕塞居四海風雷歸舊筆

二垂霜霰乃吾廬道同今古猶相照事役鱗鴻不計踈  
莫謂安恬遂留滯是非終有史臣書

七夕同末伏會衆春園

七夕今同末伏辰方塘陶暑集珍羣嬌鶯萬轉風前曲  
秀嶺千層水下雲幽鷺倚蒲真入畫香荷擎酒不須熏  
天孫莫銜機頭巧倒載歸來豈羨君

初秋塘上

池塘涼意早秋色動邊闌酷暑不終暴清風來自閑畏

螳蟬屢起辭幕燕將還盡日當軒卧看雲歸故山

次韻荅渭帥王龍圖

十年西北保疆垂只恐非才誤委毘報國心誠雖慷慨  
背時蹤跡極孤危欲求褒貶明千古直把窮通託二儀  
多謝高篇遠相勞召南風格本王基

覽渭帥王龍圖西行詩集

久陟風騷上將壇更持旄鉞撫邊關山川滿目吟雖苦  
戈甲藏宵意自閑威望昔嘗流塞外雅歌今復奏兵間

禁中日夜思頗牧四牡看隨仗節還

送劉易歸洛

滿懷經術欲誰傳却憶西歸治洛田  
富貴苟求誠損義聖賢難遇亦推天  
春風始入花王國夜月長涵宓女川  
巖谷弓旌如未及且憑詩酒作閑仙

次韻荅侍讀張龍圖索閱古堂詩石本

千年賢迹一堂間日企英風敢自安  
爭似公陳無逸義君王圖入殿屏看

閣古堂前植菊二本九月十八日花猶未開因  
以小詩嘲之

只趣重陽選菊栽當欄殊不及時開風霜日緊猶何待  
甚得迎春見識來

北塘重九

堪嗤唐彦鄙邊疆不信重陽草未霜樽裏有花荷萬葉  
三年酣賞好風光

試獵



試獵秋原亦治戎飄然豪氣滿西風飢鷹獠犬爭為用  
不在人知指縱功

禱雪有感

靈嶽祠宮尚未回六花隨禱下瓊瑰只憂風力狂無定  
最喜雲容重不開但得餘滋周畝畝敢求嬌意助樽罍  
夜深猶使家人探平地依稀幾寸來

次韻荅留臺春卿集賢侍郎

聞說西臺遂懇章一何欽聳一何傷赤松世外誠先覺

白首兵間是不祥得失兩忘祛病術利名相賊溺人鄉  
幾時微立疆垂効去伴公閑亦道光

再答

拙者奔馳智者藏細論朝體豈無傷蒼生困敝誰更化  
賢弼優游自考祥四海唐虞終我事三川風月且吾鄉  
軍中不識陽春贈幾按青萍駭夜光

再答

久拋儒掖禦戎疆每憶青氍只自傷馬上文章終是俗

胷中戈甲亦非祥  
哇聲誤入聞韶耳  
藻袞輕投被毳鄉  
賴得高賢時借譽  
不然幽迹轉無光

後園閑步

池圃足高趣  
公餘事少關  
幽禽聲自樂  
流水意長閑  
近竹花終俗  
過欄草費刪  
心休誰似我  
官府有青山

北塘探春

大鈞將首化  
微物亦先知  
草木色皆得  
禽魚意自怡  
和風無不到  
餘凜欲何為  
會與斯民樂  
熙臺興未遲

觀稼回北園席上

郊原飛隼拂晴霓，秋入豐年未慘悽。  
嘗酒管絃先社集，北人社前一月親賓相會謂之嘗酒捺荇禾黍極雲齊。  
雪鋪蕎麥花漫野，黛抹蔓菁菜滿畦。  
區脫狴牢無一事，山翁贏得醉如泥。

燈夕遇雪席上

此夕仙花降羯陀，萬燈光裏雪花和。  
天心要足良農望，人世常多好事磨。  
雲際未應成霹靂，風前疑欲助婆娑。  
陰晴況是民俱樂，無奈嘉賓惜醉何。

金  
次韻答致政杜公小詩見戲

塞上區區罄拙勤  
回頭芳歲已三旬  
何須更殢中山酒  
日日憂邊似醉人

次韻答致政杜公以遷職惠詩

滿歲窮邊喜未還  
飛塵猶擬助高山  
一年願借雖慙寇  
萬里思歸却笑班  
紫塞風煙長冷淡  
赤松光景正安閑  
何時少奉揮金宴  
免役勞魂夢寐間

種樹

一守中山四載餘栽成芳樹滿郊衢州民如有甘棠念  
惜取清陰萬萬株

壬辰寒食衆春園

寒食郊園此會稀吏民隨意賞芳菲樽前有樂人還去  
牆外無花蝶亂飛衆裏鞦韆應是駢岸邊鷗鳥却忘機  
黃昏易覺春醪散細雨迎風洒面歸

釋奠廟中作

舍奠修彝禮齋誠致吉蠲普天同日記聖道幾人傳窮

厄當時教雅崇萬世賢蒙然如可寤朝夕在拳拳

壬辰重九即席

中山風物有前緣經賞重陽第五年莫為素毛悲晚歲  
且吹黃菊酌芳筵退求僻郡疑邀寵甘老窮邊似好權  
笑問此身何計是不如嘉節倒垂蓮

次韻荅留臺春卿集賢侍郎見寄

十稔違談燕區區混濁流經時無一信度夕是三秋友  
會此難約君恩尚未酬何人伴高興洛棹與嵩樓

壬辰歲除喜雪

祈雪經冬未應人歲除方喜六花勻  
解蘇民望終為臘  
要入時宜不在春欲使休祥同節賀  
更教生物及年新  
明朝元會排天仗萬玉相輝拜紫宸

賓雁

候時賓雁覺秋分便委胡霜遡楚氛  
一片畫屏橫遠岫  
幾行書字帖輕雲信通離闊誠虛語  
聲到英雄似不聞  
莫趁衡陽戀閑暖南兒增繖正紛紛



安陽集卷六

欽定四庫全書薈要卷一萬四千一百八十二

集部

安陽集卷七

宋 韓琦 撰

律詩四十六首

次韻荅致政杜公以加節見寄

西北連憂寄責深十年回首失光陰  
丹心報國期輸盡白日當天荷照臨  
賜鉞何勞誠醜面扞邊雖久即甘心  
孤根只有衰危甚不得終身被傅霖

次韻荅留臺春卿侍郎以加節見寄二首

一落麤官伍噲曹清流甘分絕英髦建牙恩有丘山重  
扞塞功無尺寸高許國壯心輕蹈死殄戎豪氣入橫刀  
只期名遂扁舟去掉臂江湖擲錦袍

洛下安然塞下勞公持霜簡我持旄憂無虛日三垂重  
閑入芳春萬事高病虎厭風摧漢節卧龍慳雨澀吳刀  
遙知嘯傲煙霞外肯把仙袍換戰袍

清明獲鹿道中

尺雪征塗已倦行  
那堪寂寞過清明  
農居近古鞦韆野  
縣堞成虛睥睨平  
只見靚粧矜節服  
更無閑地匝春耕  
山川寓目皆形勝  
可惜虛屯百萬兵

過井陘淮陰侯廟

破趙降燕漢業成  
兔亡良犬日圖烹  
家僮上變安知實  
史筆加誣貴有名  
功蓋一時誠不減  
恨埋千古欲誰明  
荒祠尚枕陘間道  
澗水空傳哽咽聲

離天威驛

早發天威驛深春尚薄寒龍蛇盤道路波浪卷峯巒古  
木萌常晚新流勢未湍忠臣方叱馭更險不辭難

過故關

春入并州路羣芳夾故關前騶驅弩過別境荷戈還古  
戍餘荒堞新耕入亂山時平民自適白首樂農閑

百井路山桃盛開

漫嶺天桃樹無人亦自開雲霞深隱洞錦繡遠成堆生  
意驚樵斧芳情謝宴杯莫迷行客路不似武陵回

黑砂嶺路

平定軍西

詰曲榆關道終朝險復平  
後旌緣磴下前騎半天行  
舉目自山水勞生徒利名  
報君殊未效何暇及歸耕

過側石驛

三月春光薄川寒驛路長  
虎蹲難動石龍矯已剗桑  
嶺狹居多險耕勤地少荒  
山農駭車騎兒女滿莊牆

出山口

待曉出山口溟濛雨乍晴  
始知經盡險終得坦然平  
草

樹開春意川原豁眼明吏民當自信竹馬不須迎

送門人曾宏祕校登第南歸

十載辭鄉志登科一旦伸青綸歸養客白髮倚門人家  
釀難禁鱗江鱸正得萼之官如自立吾館有賢賓

呂景初殿院被召歸闕

邇臣清舉世推公驛名歸馳御史驄不獨危言開正道  
更將高節激頽風嚴霜透骨寒威重健鶻盤空殺氣雄  
朝選雖精知尚薄濟時才業滿胷中

初伏柳溪

萬柳籠溪借碧連  
滌煩高會喜僚賢  
人間酷暑病庚伏  
世外清風有洞天  
一枕易醒西嶠雨  
滿筵思醉北池蓮  
棠陰訟闌邊  
烽靜誰信榆關作地仙

重九以疾不能主席  
因成小詩勸北園諸官飲  
病襟深惜好重陽  
莫接郊園醉晚芳  
豪飲直輸無比戶  
清歡全落少年場  
感時蕭索休成詠  
中酒無流不是傷  
猛戰巨觥吹嫩菊  
且陶嘉節趣康強



并塞晚秋

莫賦悲哉學楚騷  
塞庭秋色一時高  
霜嚴獵衛鷹權峻  
風入弓膠士氣豪  
對月清吟森玳瑁  
吹花芳酌醉葡萄  
汾波照骨銀河淡  
曉夕寒光助帳刀

過太原舊城

車書從此九區同  
雉堞隳雲百載空  
欲把金湯角天命  
却驚禾黍滿秋風  
雖餘墟落人煙悄  
不改山河氣象雄  
何必壞城心可壞  
祖宗恩德浸無窮

晉祠

唐叔祠推晉域雄  
乘春來謁想遺風  
前庭樹古圭曾剪  
近隴禾新穎未同  
山峻尚存維翰德  
泉深長瀉及人功  
愚民不識邦君重  
歲歲西神酒食豐

獅子柳

在晉祠

柳出狻猊首天然  
癭贅高楓瘤嗤鬼  
伏松幹讓龍豪根  
聳伸獐爪絲輕被  
綠毛三眠漢宮樹  
人狀可同褰

長生蘋

出晉祠

奇種定仙草長生晉水蘋採芳曾著詠薦潔可供神萬  
卉衰何速三冬色自新大年如欲較吾豈愧莊椿

過甘泉寺

甘泉穿石磴山腹啓禪扉自笑逃塵境翻來觸靜機花

開松色淡

時前檻壯  
丹盛開

歌咽磬聲微十里薔薇路香風送

馬歸

甲午冬閱

練士當時閱臨高共一觀勢憑朝氣銳令入曉霜寒事

重三軍國形存八陣灘燒烘旗幟動雷吼鼓輦乾畫守  
誰能犯循環莫見端赴谿驅稚子飄石走驚湍彈壓提  
封靜周旋四野寬機深天地祕知少古今難寨巧花齊  
出營新月未圓全師克國慎堅卧亞夫安鵝鵲行雖卷  
貔貅伎要殫撒韁馳鐵騎疊箭取銀盤避槩身藏鐙揚  
塵足掛鞍弩飛三刃劍砲擲百星丸鏡管喧歸隊肴觴  
足犒餐父兄人自衛鳧藻衆胥歡有志銘燕石無勞誤  
漢壇壯心徒內激神武正勝殘

賀宮師杜公增秩

漢唐二傳推踈白高退當時歎莫如雖有清風傳舊史  
不聞優寵及安車直緣賢迹光君輔更約師模在帝儲  
何似詔公還廟席萬靈和樂決堪輿

賀觀文富公遷職

祕殿班崇極邇聯九重思舊及高賢雖知榮寵公非樂  
且喜孤忠帝尚憐惠物袴襦聊一境得時霖雨即敷天  
萬方翹首皋夔入待見唐虞致治年

賀春卿加大資政職

別殿深嚴峻寵班再煩開府扼秦關棠郊陰滿修前治  
蕙帳香銷在故山天意未容賢者樂官方唯許老時閑  
蒼生況結為霖望豈要窮邊俗吏攀

嘗致書以公康寧不當久遂閑適有

輒欲奉攀之語故云

走筆戲呈機宜著作與諸同席

不草邊書絕塞氛英僚高會喜同羣朋間射鵠雖連中  
坐上飛觥不五分烈士感時何晚歲男兒行樂是從軍

速揮太白申嚴令多得紅心即戰勲

上已柳溪席上次韻荅機宜張吉甫判官勸飲  
天意如何未應人蛟龍猶得戢乖鱗民間望極經時雨  
塞上寒深幾日春麥脚埋塵難自展柳眉低水只乾勻  
西溪不在浮觴樂且慰羣心被襖辰

柳溪嘲蓮

清香奇色匝芳洲只得公餘一見休道是好花堪謔問  
幾時曾上美人頭

次韻答永興安撫文公

建牙非稱冢司官正是宸襟注意安即日太平歸輔翼  
侍祠重陟岱宗壇

次韻和都運崔諫議寄示立春前一日宿嵐谷

山程

絕色風霜正樹威不知韶律起從微十千酒且迎春酌  
五九寒須半臘歸破屐好山連日上費詩嬌雪着人飛  
屬封所過皆蒙惠民吏應如挾纊衣



金史卷之八  
代書寄大資政春卿侍郎

宵躔將欲正三台促召深思輔翼才只聽燮調光玉鉉  
若為封駁滯銀臺殿惟延納君恩厚經席敷陳聖慮開  
命相幾時符衆望遞中看錄白麻來

六月六日雨後過嶽廟遊從封寺觀稼席上

暑雨頻經信宿休近郊方出釋潛憂雖妨麥始三停獲

且見苗知一半收

農語有之

神嶽怖民藏電電老松憑寺偃

蛟虬佳遊況遇從豐識好飾千倉待有秋

自和

鄣泥何惜出郊遊始霽才寬望歲憂鬱若山光疑是活  
飄然詩思盡難收隈林杏頰紅初抹拂砌莎髯綠自虬  
禾黍坐看雲四合有年將乞載春秋

待制崔暉給事移守圃田

使臺凝績大河東榮圃更臨輔鎮雄鸞省要資雖錫命  
犧圖清職未推公滿天秋色增詩骨一路歡謠入歲豐  
會取朝家精選意陪京今是漢扶風

菊觴

九日陪嘉客金英泛酒船撥醅時上下浮蟻自周旋香  
逐榴花發甘嗤栢葉先坐中宜醉挹仙錄載延年

北園秋雨

輕雨來秋晚郊園對客樽暫和春氣味將冷雪胚渾聲  
入關榆苦陰纏塞嶺昏黃花應自笑搖落獨承恩

病中喜雪

天地久閉塞氣和方一開花從無象出澤蘊太虛來慶

可萬區浹豐宜百瑞魁病襟雖稍釋歡意阻賓壘

屬疾

一紀三垂慮中疲病早侵人生何苦甚世事愈思深冬  
漏長難過霜風峭不禁幾時拖組綬芝朮老雲林

次韻荅運使楊旼舍人

輶車勤按問并部此先行糴重傷農業年豐報力耕幾  
時蘇俗困異日復民兵公策方經遠提封可坐清

至和乙未元日立春

元日難逢是立春普天誰不喜佳辰一年氣候均諸節  
萬卉芳菲實九旬栢葉始傾為壽酒土牛隨示力耕人  
故陰盡革無餘臘端朔陽來慶共新

元夕

萬家燈火徹重闌通夕熙然本順民誰道升平無可狀  
請觀豐稔及茲辰月隨遊騎何曾動蓮嫁春風不是真  
半病使君心未伏欲驅歌吹逐香塵

春寒

春寒著人骨病軀殊未堪鴈慵難遡北花怯不開南詩  
筆少新興戰觥思舊酣邊垂何事樂寂寞月將三

後園春日

并塞園林古春來似不知雨輕成凍易樹老發花遲劇  
事隨年倦歡悰入病衰芳時期強賞宴鼓揭天槌

乙未寒食西溪

三月鞦韆節西郊茁茁洲塞寒春尚淺俗樂政同優賞  
愜杯忘筭歌妍餌失鈎黃昏垂柳岸人意共遲留

上巳西溪同日清明

拍堤春水展輕紗  
元巳清明景共嘉  
人樂一時開禊飲  
節隨上日發桐花  
紅芳雨過粧新拂  
綠柳含風帶盡斜  
欲繼永和書盛事  
愧無神筆走龍蛇

水嬉

巧匠矜能作水嬉  
偶形千狀擬真為  
機關自謂無知者  
手足其如有見時  
釣叟投竿魚自出  
舞姬揮

闕

欽定四庫全書



安陽集  
卷七




安陽集卷七

謹案卷七第六頁前一行雷吼鼓輦乾刊本脫鼓

字今增





總校官庶吉士臣侍朝

校對官檢討臣龔大萬

謄錄監生臣南光普

欽定四庫全書叢要

集部

安陽集卷八

十一

詳校官助教臣常循



欽定四庫全書薈要卷一萬四千一百八十三

集部

安陽集卷八

宋 韓琦 撰

律詩四十七首

謝宮師杜公寄示詩編

百諷新篇百忘勞  
直將淵旨質風騷  
閑觀景物辭終巧  
意到安恬格自高  
三代正聲傳雅樂  
千年嘉味入蟠桃  
誰如八十歸休相  
字體詩情日日豪

次韻謝宮師杜公惠詩慶富公為代

彥國賢推不世奇，兩諧交政辱公詩。  
如褒事契誠多幸，欲並才名敢固辭。  
踈傳退來光漢史，周公歸已靜淮夷。

彥國今已入相

須知病守榮非淺，日對鄉枌擁郡麾。

寺底遇大雨寄呈二運使

怒雷傾雨灑無垠，天意須臾復至仁。  
比屋士民平歎息，

一川禾黍長精神。  
徹犁農喜通新種，

徧問村民皆云雨徹犁矣

隔轍

人誰謂不均大利，豈當論小害路泥深尺沒征輪。

早行

冒暑行宜早脩途不因人遠風清逐睡微露濕低塵好  
月看無盡高吟意益新未鷄知漸曉天角下星辰

褹亭道中農居

山脚林成簇舍窠門前流水養嘉禾森森松栢圍先隴  
澾澾牛羊滿近坡官賦已供餘歲備村歌無節得天和  
安全盡責廉平吏三歲齊民更孰過

山行



山路何曾倦官程幸不賒片雲無定雨香草逐時花暑  
序秋天氣農居古室家鄉關勤一望峯翠列高牙

過微子嶺

崎嶇微子道行路始知難峻嶺萬千疊紆途百十盤地  
磽民力薄天旱穀苗乾未寤蒼蒼意平川雨澤寬

自入潞境

皆已雨足  
獨此未洽

過吳兒谷

曉入吳兒谷危途信不虛千峯疑絕路一逕俯容車山

鳥過雲語田夫半嶺鋤時平盡周道天險欲何如

過涉縣熊耳山

我從團栢歷山岐秀絕唯於熊耳知芳草經年被重席  
輕雲無日展時旗羊頭有黍名終俗壺口稱闢類亦卑  
何似半天留鶴馭此來憑軾與仙期

至昭德

出却千山與萬山坦途由此達鄉關邊垂未減宵衣念  
閭里徒矜晝錦還憂國敢忘經日慮治身能得幾時閑

遙知上冢光榮處只在州城一舍間

拜墳

欲知為郡寵畫錦入家村自古拜松楸幾人如子孫  
麾幢新俗觀牛酒飲鄉尊儒者榮斯甚將何報國恩

喜雨

垂稔良田雨信愆三農憂死只呼天應時滂洽真無價  
數日淹遲誤有年立解焦枯非甚力不知神化此誰權  
何妨四序均膏澤長使生靈得自然

觀稼二首

尺雨滂然滌旱灾，行田因得過家來。  
催成禾黍拖泥秀，長就枌榆揭凍栽。  
三組不矜聊問俗，一廛雖陋且容杯。  
郊原躍馬都忘病，隨目山川氣象開。

一夕甘滋起瘁田，斗回災沴作豐年。  
便晴誰恐禾生耳，將熟偏宜穀捺拳。  
雲退不留驅旱迹，氣清渾露已秋天。  
衰翁豈獨同民樂，更覺詩豪似有權。

觀稼回

雨過觀田出近坳  
敞廬還喜及柴荆  
雲平多稼徹天盡  
黛拂遠山隨馬行  
寂寞秋風催晚角  
徘徊先隴奈重城  
鄉人莫羨前驅弩  
吾意何如負郭耕

早赴墳莊

疊疊山依皴曉霞  
羲輪勝海露天涯  
一川圖畫秋方靜  
萬積去聲京坻穀盡搓  
舊鄴餘風含古意  
太行高景落詩家  
訟庭經日如僧舍  
又到村居倚將牙

再出行田

豐歲觀農獲先疇路不遐子多宜晚穀生枊就新麻蔘  
麥方成齷蔓菁未入極鄉民愚自詫太守是吾家

送張吉甫寺丞歸洛

洛中平日是吾家時節芳菲正可誇權去獨思來衛幕  
春歸誰約醉桃花晴飛縣舄瞻仙翼暖擷新蘭薦潔牙  
更想絳笙聞夜月翩然高意薄青霞

賀春卿宣徽出帥延安

延塞何須輟鉅公西師今復久橐弓三台班秩名雖重

四海生靈澤未豐莫泥兵韜求策勝更充賢業俟時通  
歸來談笑巖廊上致主唐虞始是功

重陽甲子雨霽

猛收宵雨發秋光甲子朝來甚不傷天意欲教成九穀  
人心兼遂樂重陽山開霽碧迎軒秀菊染新黃助酒香  
氣與民和自無沴豈須從俗佩萸囊

登抱螺臺

壞圃蕭疎有廢臺登高留客此徘徊幾年埋沒荒榛滿

今日崔嵬宴席開一境山川俱入眼重陽風物盡宜杯  
坐中不勸猶當醉菊蘂浮香似撥醅

次韻荅滑守梅龍圖重陽惠酒二闋

芳醇盈榼副風騷慰我漳濱病擁旌把菊不同陶令喜  
白衣人只送香醪

滑醪清滿菊花卮只欠新螯左手持  
今歲並邊雨多徧市未至欲報

善隣將意厚若慙家釀帶春醪

次韻荅滑州梅龍圖惠鼎州柑橘



芳訊欣隨客鯉開雅篇并付木奴來病翁逢酒唯憂過  
更使湘包下滑杯

寒食會康樂園

欲識芳園立意新康辰聊以樂吾民天收寒食時來雨  
人得常年數倍春密密樓臺花外好蚺蚺歌舞醉中真  
朝來必要升平象請繪輕綃獻紫宸

次韻荅滑州梅龍圖以詩酒見寄二首

對敵公如論酒兵病夫雖劣敢先登如將壓境求詩戰

即豎降旗示不勝

東郡何能抑上才  
名書看即日邊來  
名醪價重詩篇好

勝泛西園感遇杯

公近奏感遇  
十篇故云

拜西墳

樓角聲喧促曉更  
致虔瑩域出西垌  
春山帶雨和雲重  
麥隴如梳破雪青  
鄉樹冥濛天水墨  
村農淳野古畦丁  
陰迷俄景催歸馭  
暫向東風俗眼醒

次韻酬滑州梅龍圖惠詩

自昔能詩者如公敏思稀清風當世聳大雅一時歸京

輔方期治天顏此暫違名棠隨有愛庖刃不勞揮吟筆

閑邀戰隣邦動怯圍疲神支敗北對景失芳菲無物酬

明月何心銜畫衣驚弦常跼跼突陣正駢駢溪柳柔金

幄園花爛錦幃

公新葺溪園為近輔之勝

嬉遊成樂國佳氣俯端闈

郢曲高難和荆棲近莫依流年傷阻闊好夢接容輝不

信降旗豎

前荅公詩已有請豎降旗之句

猶勝走檄威可慙貂裘莫續安

敵虎而飛窘戲圖更郡奔逃始見機吾鄉雖甚美無計

戀柴扉

次韻和滑州梅龍圖寒食溪園

溪園高致此非遐請為公陳衆所誇一境熙臺躋舊俗  
萬民和氣入新花流芳只有人思召行樂何須坐有車  
不獨清明資勝會四時風月愜詩家

次韻荅磁州王復都官

本邦為守獲隣封民政雖殊道則同決境歡然君有惠  
一鄉榮甚我何功漸濡美化規模近珍重高篇氣格雄

德薄可能勝尹誦穆如空自愧清風

上巳會城北新磴

誰言智者不兼仁  
請看新渠激磴輪  
本為酒材寬物力  
更饒春月樂鄉民  
陰晴天色將寒食  
狂醉人心即蜡賓  
父老他年傳故事  
可忘修禊起茲辰

畫錦堂賞新移牡丹

欲集珍叢稱此堂  
春來栽檻首花王  
連砧不動開猶少  
對酒多情格自強  
白晝已凌鄉錦色  
清陰宜接訟棠芳

娛賓一奉笙歌賞從此香名歲月長

暮春康樂園

榆莢紛紛擲亂錢柳花相撲輓新綿  
一年寂寞頻來地三月芳菲已過天  
樹密只喧閑鳥雀臺高猶得好山川  
病夫不飲時如此徒有詩情益自然

庚申相臺閔稼

淫雨農疇害復收彼何恩厚此何仇  
高田穀穗拖牛尾卑地莊窠沒獸頭  
稔社徹宵喧鼓樂災居無日苦飢流

如云禍福闕為政安得豐凶在一州

苦雨

直疑天際裂銀潢大雨連傾特異常數里河聲轟陣鼓  
萬條簷溜卓戎槍雷霆勢惡掀人腦蛟壘朋凶碎客航  
正熟民田多沒穗幾時仁惻動蒼蒼

次韻酬滑州梅龍圖惠酒

久雨無書致睦隣坦塗非邈盡長津正憂吾里民災甚  
敢覲公齋酒味醇得騁蛟龍方倚浪未鋤稂莠已齊身

太陽幾日披雲見名少如葵仰望人

冬至前一日雪

地下陽將復人間氣已和羣陰明數極六出見

音現花多

賀稱新年曲歡侔故郢歌同雲留紀吉柔荔借萌科起  
認灰飛管堆凝素出波朝盈振鷺集隙隘白駒過樹密  
輕黏萼天圓細撼羅潔非容物污碎不在風搓農畝經  
年瑞詩家萬古魔平明開慶會綠蟻薦紅螺

臘日出獵二首



笳鼓擁貔貅韓陵山下頭人心忘岱嶽鷹眼快離婁兔  
逸茲窮虜狐殲即貴酋鄉民誰會我衣錦樂畋遊

習平禮樂存形器要閱兵須有殺生故備姦戎倖斬伐  
唯於畋獵可申明妖狐膽裂逃終戮老鵠拳高下必精  
大獲未能矜小得幾何人不哂吾行

元日雪

人正開統發新陽盈尺稀逢雪載滂不必宮聲符善歲  
却應和氣得嘉祥同雲幾刻藏春色利澤經時洽衆芳

遙想九天排曉仗六花吹入萬年觴

新歲拜墳二首

先隴比如何新年重一過風迎人意好春入鳥聲和畎  
畝因時勸松楸趁暖科公餘私遂及吾幸比為多

新歲齋前寂訟鈴不妨諏日展先塋遙知隴樹春方到  
一見家山眼又明孝弟少期為俗勸里閭烏足語吾榮  
此行猶苦圭符累名遂歸來更盡誠

寄并帥龐公古瓦硯

鄴瓦搜來頗異常寄誠安足奉文房早陪神化丹青筆  
莫滯邊書赤白囊

次韻荅并帥龐公謝寄古硯

誰傳石末首青州鄴硯今推第一流更好豈堪濡化筆  
報瓊終念木瓜投

寄題滑州梅龍圖西溪園

陪京高選得名卿勤葺公園匪自寧政舉輔藩無一事  
意尊王室有三亭看花篇什煩官課對酒笙歌易訟鈴

他日吏民銘惠愛定隨碑刻載圖經

寄題滑州梅龍圖西溪

四時風物隱天真咫尺城隅惜示人  
幾歲壞堤埋老木一朝春色與吾民  
壺中有景知誠少堂下無喧到始頻  
我亦治園同衆樂夾河相望稱爲隣

相亦治後園以康樂名之取時康而

與民同此樂也

安陽集卷八

欽定四庫全書薈要卷一萬四千一百八十四

集部

安陽集卷九

宋 韓琦 撰

律詩三十六首

御製後苑賞花釣魚奉聖旨次韻

花簇香亭萬朶開  
珣輿高自九關來  
輕陰閣雨迎天步  
寒色留春送壽杯  
仙吹徹雲終縹緲  
恩魚逢餌幾徘徊  
曾參二十年前會  
今備台司得再陪

御製天章閣觀三聖御書奉聖旨次韻

寶閣三休地琅函列聖文天章橫紫極洛字覆青雲花  
折驚雷起龍勝駭浪分宸毫知善斷更嗣禹邦勤

恭謝天地慶成五言六韻

世積皇基厚天扶帝極安宸心思報重靈荅匪誠難蠲  
潔齋居敞凝嚴路寢寬二儀通聖饗三后接神歡惠澤  
開秋慘和聲破曉寒南山薦君壽曉闕聳羣觀

祫享慶成五言二十韻

大饗無先祫精祠貴必躬歷朝疑未講曠典屬今崇良  
月稽冬孟容臺訪禮中祀期當象閏位嚮卒虛東太卜  
諏元日齋誠儼法宮琿輿下丹地琳館薦清衷雪霅人  
初駭天高德自通陰雲成瑞靄凜色變和風世室休嚴  
衛宵衣集庶工叙親昭穆正合食簋鉶豐既裸神斯格  
居歆慶已蒙歡欣流禹律謦欬入堯聰月射千圭白星  
輝萬燎紅茨歌將振作晴旭漸瞳矐回蹕升端闕羣瞻  
聳上宮蕃釐均廟餽惠澤泰民窮孝著鉤鈐動恩䟽貫



索空致祥書可信讓美意彌冲此協亨嘉會慙非輔翼  
功唯知獻君壽巍與二儀同

明堂慶成五言二十韻

至矣君嚴父其惟祀配天明堂茲有法路寢復申虔禮  
簡刊前誤圖新煥昔傳乾坤隆正位辰火協高躔宗德  
傳參侑推尊獨大圓兼崇太極坐並享總章筵節物豐  
秋後齋精吉旦前既祇真館駕遂潔闕宮牲泛灑輕塵  
失涵濡惠澤先直由誠意感卒使祭無愆翌日回清蹕

中宵儼邃延一純通膺蠻五室啟螽蝓和必流金石馨  
非主豆籩靈光燭牕戶飈駕觸旄旒齊酌終三薦神釐  
荅萬年歡聲搖海嶽瑞色變雲煙餒已均庖賤思思被  
幅員星鷄隨勅豎赦鶴下樓宣教不煩家至民惟視德  
遷普天知予道斯匪化之然

天章閣觀御飛白書五言十韻

內閣門清曉中天對邇臣唐虞遺典在河洛奧書陳二  
聖勤勞舊千齡矩法新帝暉方咫尺宸翰復躬親鸞拂

宮綃舞花隨御筆春奎光連壁府劍影動龍津今古神  
功絕頒宣上意均玉峯羅俎豆黼坐拱星辰魚藻符亨  
會蓬瀛寄此身流霞仙飲罷又賜一杯醇

聖恩勸酒唯  
臣再賜巨杯

樞廷對竹

一紀前曾對此君依然軒檻喜重親丹心自覺同高節  
青眼相看似故人不雜囂塵終冷淡飽經霜雪尚精神  
樞廷豈是琴樽伴會約幽居稱幅巾

韓縝太博之任洋州

昔年疆場寵雙旌  
官寄洋川實治并  
今喜遠民留上意  
故求賢守紹家聲  
升雲仙迹唐祠古  
踏石春遊灤水清  
時閱吏文應笑我  
從前銜署只虛名

答定帥仲儀龍圖寄示閱古堂詩刻

好勝時多尚已為  
前人勤力必隨隳  
所圖營葺猶如是  
欲樹功名即可知  
昔慕先賢形藻繪  
本同來哲作箴規  
得公詩刻增光燄  
定警媮風變俗漓

夏暑即事

槐耳籠前檻雲峯透曲櫺涼風即崑閬煩思入滄溟荷  
弱翻青蓋榴新倒綠餅晚來收驟雨一枕夢魂醒

夏暑早朝二首

涼風吹暑豁煩歎上馬迎風趁早朝宿霧欲開星月澹  
隱然雙闕在層霄

奪熱清風幾快襟禁街岑寂漏聲沉東方似動陰氛失  
北斗高垂帝闕深憂國遠圖深入夢費詩閑景懶成吟  
平明天外鳴鞘下萬玉顚然拱極心

重九席上賦金鈴菊

黃金綴菊鈴  
究地獨馳名  
細蘂浮杯雅  
香簫貯露清  
風休沉夜警  
雨碎入寒聲  
自此傳仙種  
秋芳冠玉京

召赴天章閣觀新柑

雲閣崇先重  
霜柑薦瑞新  
臨觀紆法從  
超召獨隣臣  
晚實開天意  
重榮浹上人  
上宣諭此樹枯而再榮今始結實  
不隨淮枳變

自比禹包珍  
廟獻宸心格  
親頒聖寵均  
從茲魁衆果  
仙府占長春

祈雪宿齋醴泉觀

愆陽經臘惻皇情徧走靈祠達意精  
馬殆始知仙府迴露寒如到月宮清  
甘泉既久蠲民瘼惠澤非難滌厲萌  
日待神龍興熱蜜一吁嘉雪滿寰瀛

戊戌元日喜雪

新元迎曉朔風涼雪落同雲勢漸霽  
氣候未春終是臘禱祈方得合稱祥  
拜章粉絮迷朝珮獻壽瓊花入御觴  
自是三農豐歲兆人聲何必問宮商

張吉甫殿丞宰資陽

去物輕遐邑宸心與近均  
宜將寬詔意善恤遠方民  
寒驛鳧先下春郊雉自馴  
白雲休引望馨膳有天倫

次韻和崔象之寺丞西亭雨下

初暑軒牕覆翠陰更宜飛雨濯塵襟  
喜花添色自人意為歲期豐獨帝心  
餘潤日隨和氣浹好聲時逐遠風沉  
郊原徧採農家議一寸真如一寸金

庚子重九菊未盛開席上偶成



重九開樽節未寒  
黃花初發葉皆單  
待看旬日金鈴綻  
剩得東籬一醉歡

金鈴菊兗州種小圃有之

九日賞菊未開席上次韻荅崔象之寺丞

誰知九日接賓觴  
未放寒花折露房  
早是生來悲晚節  
那堪開不在重陽  
滿頭且應良辰插  
一夜寧衰淺意香  
守待金鈴披絕艷  
共君寥蕊醉餘芳

覽崔象之寺丞詩編

驚人佳句本天成  
艷格清奇不易評  
秋月照空澄萬景

洛花無品盡多名珠藏赤水搜求苦礦出黃金鍛鍊精  
郊廟有歌猶未採只輸高興寫幽情

和崔象之紫菊

紫菊披風碎曉霞年年霜挽賞奇葩嘉名自合開仙府  
麗色何妨奪錦砂雨徑蕭疎凌蘚暈露叢芬馥敵蘭芽  
孤標只取當筵重不似尋常泛酒花

裕享加恩押班宣制

大袷休成慶澤新廣庭宣制寵臣鄰非煙薦瑞籠宮殿

宣制時輕  
霽鬱然

出綵敷言聳措紳風結冰簷駢玉箸日融霜

瓦半魚鱗移時始放金吾仗鸛鷺齊飛出禁闥

辛丑中秋不見月

懊惱閑雲取次生中秋觀月悞人情一時雖不充羣望  
萬古終難掩至明疑有陰魔憎好事更虞淫雨害豐盛  
須知席上徘徊意直似葵心向日傾

崔象之中舍宰陽翟

君於榮利已恬然此治韓城屬薦賢惠政即隨春共煦

道心常與月同圓  
門踈俗客禪詮遠  
亭掩修篁定力堅

君第有小亭竹徑蕭然君終日危坐於此

思退幾人曾上籍  
可容名記託新

篇

君有休官簿與君同約者則書之

辛丑季秋大饗明堂中書宿齋

紫極宸居重黃扉  
禁戶深齋精嚴帝  
配祇翼達天心百

刻延壺箭千廬肅  
羽林秋聲來易感  
仙夢斷難尋小雨

隨雲散踈星伴月  
沈樹鷄先曉唱菊  
酒帶香斟

重九日

寂

雨潛神化脩然適  
道襟惟馨思在德  
盼蠻佇靈歆

中書東廳十詠

迎春

覆欄纖弱綠條長  
帶雪衝寒折嫩黃  
迎得春來非自足  
百花千卉任芬芳

牡丹

當欄新植盡珍叢  
異格同妍出化工  
何物衆人驚絕艷  
一枝花坼瑞雲紅

夜合

合昏枝老拂簷牙紅白開成蘼暈花最是清香合蠲忿  
累旬風送入牕紗

四季

牡丹殊絕委春風露菊蕭疎怨晚叢何似此花榮艷足  
四時長放淺深紅

綠篠

莫輕叢篠綠陰微迸笋方抽嫩玉枝結實他年臻瑞物  
最宜栽向鳳凰池

芍藥

薜蘿嘉種列羣芳禦濕前推藥品良時摘嫩苗烹賜茗  
更從雲脚發清香

山芋

隨竹紫回翠蔓延土諸名異出前編會須霜晚餐珠寶  
可挹浮丘作地仙

盆池

圓沼泓澄壁彩浮萍新殊未覆游鯈纖鱗不用時驚沒

香餌雖投是直鉤

假山

危峯疊疊起九泥莫愛幽奇是假為黃閣何功宜自劾  
去尋真隱老衰疲

馴鵲

靈鵲雙雙日自馴徘徊軒檻若相親主人素解忘榮辱  
何用喃喃送喜頻



安陽集卷九